



Universitätsbibliothek Paderborn

Reverendissimi Ac Illustrissimi D.D. Antonii Godeau Episcopi Venciensis Viri Celeberrimi Theologia Moralis

Ex Purissimis Sacræ Scripturæ, Patrum Ac Conciliorum Fontibus Derivata,
Notis Theologicis Illustrata, Duasque In Partes Divisa

Complectens Tractatus I. De quarto, quinto, & sexto decalogi Præcepto II.
De septimo decalogi Præcepto. III. De octavo decalogi Præcepto. IV. De
Ecclesiæ Præceptis. V. De Sacramentis in genere & quibusdam in specie.
VI. De Pœnitentia. VII. De Matrimonio

Godeau, Antoine

Augustae Vindelicorum, 1774

Caput IV. Honor Principibus, & Magistratibus debetur.

[urn:nbn:de:hbz:466:1-53587](#)

murent ad direptionem, partim non inveniendo
bonos, dum mali sunt; partim timendo invent-
re, dum mali semper esse volunt (Hom. 5. &
Pœnit.) .

C A P U T IV.

*Honor Principibus, & Magistratibus
debetur.*

Qui Episcopos ad regendam Ecclesiam posuit,
idem ad regendas provincias Deus Reges
statuit. *Omnis anima* (inquit Apostolus
Rom. 13.) potestatibus sublimioribus subdita
sit, non est enim potestas nisi a Deo. Ideo ne-
cessitate subditi estote, non solum propter iram,
sed etiam propter conscientiam. Reges, quos
Deus instituit, sive bonos, sive malos honorare
subditi debent; nec leve peccatum putent, si
debitum illis honorem negent, si verbis lacel-
lant, si mortem, aliudve infortunium illis optent.
Eorum jussis parere debent, etiam cum impune
violare possent. Hinc emptionem, vendicio-
nem, cæterosque contractus juxta illorum leges
debent inire. Legitima a Principibus statuta
tributa & vestigalia solvere debent. Officia a
Principe tradita debent suscipere, nec mollitie
aut quietis amore se excusare, aut refugere
onus debent, si communitati sint necessarii.
Ut Principis vitam servent, suam debent expo-
nere, si opus est, & Reipublicæ necessitas exi-
git. Demum pro Principe Deum debent ex-
orare. Id Apostolus Timotheo præcipit, ut id
ipse exequatur, & fidelibus faciendum jubeat.

Obsero igitur primum omnium, fieri orationes, oblationes, postulationes, gratiarum actiones pro Regibus, & omnibus qui in sublimitate sunt constituti, ut quietam & tranquillam vitam agamus (*Timoth. 2.*). Hoc sequens exemplum Ecclesia pro Regibus & Principibus orat in sacra Missæ liturgia; &, qui adest, populus se illi dedit conformare. Apertam rebellionem omitto, seditiones, domestica aut extranea fœdera, quibus contra Principem adhærere lex Dei subditis verat; non enim hæc peccata communia sunt, neque ullo nomine excusari, aut defendi possunt.

Dei lex, quæ populum suo Principi subjici juber, illis quoque eum subdi præcipit, qui regendi populi auctoritatem a Principe obtinent, videlicet provinciarum Gubernatoribus, & Magistratibus. Expresse id tradit sanctus Petrus: *Subjecti estote sive Regi, quasi præcellenti, sive Dueibus, tanquam ab eo missis* (*Epist. I. c. 2.*). Ipsius data proportione est igitur honor sicut Principibus exhibendus: secus Deus laeditur, cuius providentiaz ordo ad Reipublicæ tranquillitatem necessarius turbatur.

C A P U T V.

Regum & Principum officia.

Quæ Principibus suis debeant subditi satis sciunt, illaque a Concionatoribus saepe audiunt; verum non omnes sciunt Principes, & nonnulli forsan ignorare malunt, quæ Principes subditis debeant. Veritates, quas oderunt, ne-

B 3

mo